



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

10 հուլիսի 2019 թվականի №256Ա
քաղ. Երևան

**«ՀԱՅԱՍՏԱՆԻ ԷԼԵԿՏՐԱԿԱՆ ՑԱՆՑԵՐ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ
ՆԵՐԴՐՈՒՄԱՅԻՆ ԳՈՐԾՈՒՆԵՈՒԹՅԱՆ (ԻՐԱԿԱՆԱՑՎԱԾ ԿԱՊԻՏԱԼ ԾԱԽՍԵՐԻ)
ՏԵԽՆԻԿԱԿԱՆ ԱՌԻԴԻՏԻ ԾՐԱԳԻՐԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 28-րդ հոդվածի 1-ին կետի «ե» ենթակետը, «Հայաստանի էլեկտրական ցանցեր» փակ բաժնետիրական ընկերության էլեկտրական էներգիայի (հզորության) բաշխման №0092 լիցենզիայի պայմանների 43-րդ կետը, Հայաստանի Հանրապետության հանրային ծառայությունները կարգավորող հանձնաժողովի 2018 թվականի դեկտեմբերի 26-ի №753Ա որոշման 2-րդ կետի 2-րդ, 3-րդ և 5-րդ ենթակետերը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հաստատել «Հայաստանի էլեկտրական ցանցեր» փակ բաժնետիրական ընկերության ներդրումային գործունեության (իրականացված կապիտալ ծախսերի) տեխնիկական աուդիտի ծրագիրը և ժամանակացույցը համաձայն՝ №1 և №2 հավելվածների:
2. Ընդունել ի գիտություն, որ՝
 - 1) աուդիտորական ծառայություններ մատուցողի ընտրությունն իրականացվում է միջազգային մրցույթով.
 - 2) «Հայաստանի էլեկտրական ցանցեր» փակ բաժնետիրական ընկերությունը աուդիտորական ծառայությունների ձեռքբերման մրցույթի հայտարարությունը և

սույն որոշման №1, №2 հավելվածները հրապարակում է հայերեն և անգլերեն տարբերակներով.

- 3) սույն որոշման №2 հավելվածի 3-րդ, 4-րդ և 5-րդ կետերը անհրաժեշտ է ամրագրել «Հայաստանի էլեկտրական ցանցեր» փակ բաժնետիրական ընկերության և մրցույթում հաղթող ճանաչված աուդիտորի միջև կնքվելիք ծառայությունների մատուցման պայմանագրում.
 - 4) «Հայաստանի էլեկտրական ցանցեր» փակ բաժնետիրական ընկերությունը աուդիտորական ծառայությունների համար աուդիտորին վճարում է Հայաստանի Հանրապետության հանրային ծառայությունները կարգավորող հանձնաժողովի հանձնարարականի հիման վրա:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրագեկելուն հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՐԿԱՅԻՆ
ԾԱՌԱՅՈՒԹՅՈՒՆՆԵՐԸ ԳԱՐԳԱՒՈՐՆ
ՀԱՆՁՆԱԾՐՈՒՎԻ ԼՍՄԳԱԿԱԶ



Գ. ԲԱՂԿԱՍՅԱՆ

ք. Երևան
10 հունիսի 2019 թ.